



Broj: 11-16-6-3108-13/25  
Sarajevo, 6.2.2026.godine

U skladu sa članom 64. stav (1) tačka b), članom 70. stav 1., i 3., članom 71. stavom 1. i 2. Zakona o javnim nabavkama („Službeni glasnik BiH“, broj 39/14, 59/22 i 50/24 ), člana 8., stav 2., pod c) Pravilnika o uspostavljanju i radu komisije za nabavke („Službeni glasnik BiH“, broj 103/14 i 49/23), na Preporuku Komisije za nabavku, broj: 11-16-6-3108-9/25, od 6.2.2025. godine, i člana 6. Odluke o organizaciji Sekretarijata Predsjedništva BiH, broj: 01-50-1-1497-44/13, od 8.5.2013. godine („Službeni glasnik BiH“, broj: 41/13), generalni sekretar, **donosi**:

#### ODLUKU

***o izboru najpovoljnijeg ponuđača za nabavku goriva, maziva, naftnih derivata i prateće robe na benzinskim stanicama u Federaciji Bosne i Hercegovine zaključivanjem okvirnog sporazuma sa jednim ponuđačem na period od 12 ( dvanaest ) mjeseci za potrebe Predsjedništva Bosne i Hercegovine***

#### Član 1.

Prihvata se Preporuka Komisije za nabavke, broj: 11-16-6-3108-9/25 od 6.2.2026.godine, te se okvirni sporazum za nabavku goriva, maziva, naftnih derivata i prateće robe na benzinskim stanicama u Federaciji Bosne i Hercegovine za potrebe Predsjedništva BiH, dodjeljuje ponuđaču **HIFA PETROL d.o.o. Sarajevo**, koji je dostavio ponudu broj: JN-4888/25 od 30.12.2025. godine, **sa ponuđenom cijenom u iznosu od 86.540,12 KM bez PDV-a, kao jedinom ponuđaču u postupku.**

#### Član 2.

Prijedlog okvirnog sporazuma dostavit će se na potpis izabranom ponuđaču **HIFA PETROL d.o.o. Sarajevo**, u skladu sa Zakonom o javnim nabavkama BiH.

#### Član 3.

Za izvršenje ove odluke zadužuju se i ovlašćuju Odjel za javne nabavke i logistiku, Odjel za transport i Odjel za ekonomsko-finansijske poslove.

#### Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu s članom 71. stav (2) Zakona o javnim nabavkama.

#### Član 5.

Ova odluka bit će objavljena na web-stranici [www.predsjednistvobih.ba](http://www.predsjednistvobih.ba), u skladu sa članom 70. stav (6) Zakona o javnim nabavkama.

## Образложење

Postupak javne nabavke pokrenut je Odlukom o pokretanju postupka izbora najpovoljnijeg ponuđača za nabavku goriva, maziva, naftnih derivata i prateće robe na benzinskim stanicama u Federaciji Bosne i Hercegovine, zaključivanjem okvirnog sporazuma sa jednim ponuđačem na period od 12 (dvanaest) mjeseci, za potrebe Predsjedništva Bosne i Hercegovine, broj: 11-6-6-3108-1/25 od 17.12.2025. godine.

Javna nabavka je provedena putem otvorenog postupka, a procijenjena vrijednost javne nabavke iznosi do 95.530,00 KM.

Obavještenje o javnoj nabavci, broj: 926-1-1-219-3-74/25, poslano je na objavu 17.12.2025. godine.

Tendersku dokumentaciju preuzeli su sljedeći ponuđači:

- Ponuđač: BBS EUROPE
- Ponuđač: EKAPIJA DOO
- Ponuđač: BASICS DOO SARAJEVO
- Ponuđač: HIFA-OIL DOO TEŠANJ
- Ponuđač: HOLDINA DOO
- Ponuđač: TENDERI DOO
- Ponuđač: ENERGOPETROL DD SARAJEVO
- Ponuđač: PETROL BH OIL COMPANY DOO
- Ponuđač: GREEN OIL DOO
- Ponuđač: HIFA PETROL DOO SARAJEVO

Komisija za nabavke imenovana je Odlukom o imenovanju komisije za nabavke Predsjedništva Bosne i Hercegovine, broj: 05-16-6-2516-1/25 od 7.10.2025. godine.

Komisija za nabavke dostavila je 6.2.2026. godine izvještaj o radu, broj: 11-16-6-3108-10/25, od 6.2.2026. godine, zapisnik o pregledu i ocjeni ponuda, broj: 11-16-6-3108-8/25, od 6.2.2026. godine, i preporuku o izboru najpovoljnijeg ponuđača, broj: 11-16-6-3108-9/25, od 6.2.2026. godine, u postupku javne nabavke izbora najpovoljnijeg ponuđača za nabavku goriva, maziva, naftnih derivata i prateće robe na benzinskim stanicama u Federaciji Bosne i Hercegovine, za potrebe Predsjedništva BiH.

U postupku po izvještaju o radu utvrđeno je da je Komisija za nabavku blagovremeno i pravilno izvršila otvaranje i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - 1;
- da je blagovremeno zaprimljena -1 ponuda;
- da je neblagovremeno zaprimljeno 0 ponuda;
- da je ponuda ponuđača Hifa Petrol d.o.o. Sarajevo prihvatljiva;

Komisija za nabavke izvršila je evaluaciju pristige ponude, te je utvrdila:

**PONUĐA PONUĐAČA HIFA PETROL d.o.o. Sarajevo**

Ponuda je dostavljena u skladu sa zahtjevima tenderske dokumentacije i prihvatljiva je za ugovorni organ.

E-aukcija nije održana jer je ugovorni organ zaprimio jednu prihvatljivu ponudu.

U postupku donošenja ove odluke posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, u skladu sa kriterijima utvrđenim u tenderskoj dokumentaciji.

U postupku ocjene provedenog postupka, rukovodilac institucije nije našao nepravilnosti niti propuste u radu, koji bi bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Rang-lista ponuđača u slučaju primjene kriterija najniža cijena je:

	Naziv / ime ponuđača	Ponuđena cijena
1.	Hifa Petrol d.o.o. Sarajevo	86.540,12 KM

Iz navedenih razloga, primjenom člana 64. stav (1) tačka b) Zakona o javnim nabavkama Bosne i Hercegovine, odlučeno je kao u dispozitivu.

**POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

M. P.



GENERALNI SEKRETAR

Zoran Đerić

**Dostaviti:**

1. HIFA PETROL d.o.o. Sarajevo
2. Odjelu za ekonomsko-finansijske poslove
3. Odjelu za javne nabavke i logistiku
4. Komisiji za nabavke
5. Zamjenicima generalnog sekretara
6. Službi za odnose s javnošću (radi objave na web-stranici)
7. Arhivi